

UGOVOR O SERVISIRANJU KOTLOVA

MUP KANTONA SARAJEVO, ulica La Benevolencija broj 16, koje zastupa ministar unutrašnjih poslova Kantona Sarajevo, po ovlaštenju premijera Dr. sc. Omer Osmanović (u daljem tekstu Ugovorni Organ) i

GRIZELJ – GROUP d.o.o. Sarajevo, ulica Nikole Šopa br. 44 , koje zastupa direktor Tin Grizelj (u daljem tekstu: Dobavljač)

Član 1.

Predmet ovog ugovora je nabavka usluga servisiranja kotlova na više objekata, za potrebe Ministarstva unutrašnjih poslova Kantona Sarajevo, putem direktnog sporazuma, a na osnovu Odluke broj 01-11-4-4172 od 05.07.2022. godine.

Ponuda Dobavljača broj PO0000205 od 25.04.2022. godine sastavni je dio ovog Ugovora.

Član 2.

Usluge iz člana 1. ovog ugovora će se pružati u prostorima Ugovornog organa.

Ukupna vrijednost ugovora iznosi 2.002,81 KM sa PDV-om (dvijehiljadedvije i 81/100 KM). Dobavljač se obavezuje na nepromjenljivost cijena tokom cijelog ugovornog perioda i da će pod istim uslovima u period trajanja ugovora pružati usluge servisiranja kotlova za potrebe Ministarstva unutrašnjih poslova Kantona Sarajevo.

Član 3.

Ugovorni organ će ugovorenu cijenu plaćati Dobavljaču u roku od 30 (trideset) dana po izvršenju usluge i dostavljanju fakture.

Član 4.

Dobavljač se obavezuje da će usluge servisiranja kotlova izvršiti u roku od 48 (četrdeset osam) sati od zaprimanja zahtjeva Ugovornog organa.

Član 5.

Dobavljač se obavezuje da će ugovorenu uslugu izvršiti u svemu prema propisima, standardima i normama kvaliteta, zakonskim i podzakonskim aktima koji važe za vrstu usluga koje su predmet nabavke.

Član 6.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavjestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ugovorne strane su saglasne da će sva, eventualno sporna pitanja rješavati dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.


Član 8.

Ovaj ugovor stupa na snagu danom potpisivanja ovlaštenih predstavnika i traje do realizacije ugovorene vrijednosti.

Član 9.

Ovaj ugovor izrađen je u četiri (4) istovjetna primjerka, od kojih po dva (2) primjerka zadržava svaka ugovorna strana.

DOBAVLJAČ
GRIZELJ - GROUP d.o.o.
Sarajevo


Direktor Grizelj Tin

Broj: 06-22/05
Datum: 15.08.2022. godine

UGOVORNI ORGAN
MINISTARSTVO UNUTRAŠNJIH POSLOVA
KANTON SARAJEVO


minister Dr. sc. Omer Osmanović

Broj: 01-114-4172-1/22
Datum: 06.07.2022. godine

